

Postcommunio

2094 **R**efecti participatióne múnieris sacri, quæsumus, Dómine Deus noster: ut, cuius exsequimur cultum, intercedente beáto Ignátio Mártire tuo atque

Pontífice, sentiámus effectum. Per Dóminum nostrum Iesum Christum, Fílium tuum: Qui tecum vivit et regnat in unitate Spíritus Sancti Deus: per ómnia sæcula sæculórum. **R.** Amen.

Die 2 februarii

IN PURIFICATIONE BEATÆ MARIÆ VIRGINIS

II classis

¶ Festum Purificationis beatæ Mariæ Virginis habetur tamquam festum Domini.

DE BENEDICTIONE CANDELARUM

Sacerdos indutus pluviali albo, vel sine casula, cum ministris similiter indutis, procedit ad benedicendas candelas, in medio ante altare, vel ad latus Epistolæ positas, et ipse, ibidem stans versus ad altare, dicit manibus iunctis in tono feriali:

V. Dóminus vobiscum.

R. Et cum spíritu tuo.

Orémus.

Oratio

2095 **D**ómine, sancte Pater, omnipotens ætérne Deus, qui ómnia ex nihilo creásti, et iussu tuo per ópera apum hunc liquórem ad perfectiõem cærei venire fecísti: et qui hodiérna die petitiõem iusti Simeónis implésti: te humíliter deprecámur; ut has candélas ad usum hóminum, et sanitátem córporum et animárum, sive in terra sive in aquis, per invocatiõem tui sanctíssimi nóminis, et per intercessiõem beátæ Mariæ semper Virginis, cuius hódie festa devóte celebrántur, et per preces ómnium Sanctórum tuórum, bene **✠**dicere et sancti **✠**ficáre dignéris: et huius plebis

tuae, quæ illas honorífice in mánibus desiderat portáre, teque cantádo laudáre, exáudias voces de cælo sancto tuo et de sede maiestátis tuæ: et propítius sis ómnibus clamántibus ad te, quos redemísti pretiósio Sanguine Fílii tui: Qui tecum vivit et regnat in sæcula sæculórum.

R. Amen.

Orémus.

Oratio

2096 **O**mnípotens sempitérne Deus, qui hodiérna die Unigénitum tuum ulnis sancti Simeónis in templo sancto tuo suscipiéndum præsentásti: tuam súpplices deprecámur cleméntiam; ut has candélas, quas nos fámuli tui, in tui nóminis magnificéntiam suscipiéntes, gestáre cúpimus luce accénsas, bene **✠**dicere, et sancti **✠**ficáre, atque lumine supérnæ benedictióis accéndere dignéris: quátenus eas tibi Dómino Deo nostro offeréndo digni, et sancto igne dulcíssimæ caritátis tuæ succénsi, in templo sancto glóriæ tuæ representári mereámur. Per eúndem Christum Dóminum nostrum.

R. Amen.

Orémus.

Oratio

2097 **D**ómine Iesu Christe, lux vera, quæ illúminas omnem hóminem veniéntem in hunc mundum: effúnde bene ✠ dictionem tuam super hos céreos, et sancti ✠ ifica eos lúmine grátiae tuæ, et concéde propítius; ut, sicut hæc luminária igne visíbili accénsa noctúrnas depéllunt ténebras; ita corda nostra invisíbili igne, id est, Sancti Spíritus splendóre illustráta, ómnium vitiórum cæcitate cáreant: ut, purgáto mentis óculo, ea cérnere possimus, quæ tibi sunt plácita, et nostræ salúti utilia; quátenus, post huius sæculi caliginósa discrimina, ad lucem indeficiéntem pervenire mereámur. Per te, Christe Iesu, Salvátor mundi, qui in Trinitáte perfécta vivis et regnas in sæcula sæculórum.

R. Amen.

Orémus.

Oratio

2098 **O**mnípotens sempitérne Deus, qui per Móysen fámulum tuum puríssimum ólei liquórem ad luminária ante conspéctum tuum iúgiter concinnánda præparári iussisti: bene ✠ dictionis tuæ grátiam super hos céreos benignus infúnde; quátenus sic adminístrent lumen extérius, ut, te donánte, lumen Spíritus tui nostris non desit méntibus intérius. Per Christum Dóminum nostrum.

R. Amen.

Orémus.

Oratio

2099 **D**ómine Iesu Christe, qui hodiérna die, in nostræ carnis substántia inter hómines appárens, a paréntibus in templo es præsentátus: quem Símeon venerábilis senex, lúmine Spíritus tui irradiátus, agnóvit, suscepit

et benedíxit: præsta propítius; ut, eiúdem Spíritus Sancti grátia illumináti atque edócti, te veráciter agnoscámus et fidéliter diligámus: Qui vivis et regnas in sæcula sæculórum. **R.** Amen.

Finitis orationibus, celebrans ponit incensum in thuribulo: deinde ter aspergit candelas aqua benedicta, dicendo antiphonam Aspérges me, sine cantu et sine psalmo: et ter adoleat incenso.

DE DISTRIBUTIONE CANDELARUM

Tum dignior ex clero accedit ad altare, et ab eo celebrans accipit candelam, non genuflectens. Postea celebrans stans in medio ante altare, versus ad populum, distribuit candelas, primum digniori, a quo ipse acceperat; deinde diacono et subdiacono paratis, et aliis clericis singulatim per ordinem, ultimo laicis: omnibus genuflectentibus, exceptis Prælati, si adsint. Et cum inceperit distribuere candelas, a choro cantatur:

Antiphona

Luc. 2, 32

Lumen ad revelatiónem géntium: et 2100 glóriam plebis tuæ Israël.

Cantic. ibid., 29-31 Nunc dimittis 2101 servum tuum, Dómine, * secúndum verbum tuum in pace.

Et repetitur ant.: Lumen ad revelatiónem géntium: et glóriam plebis tuæ Israël.

Quia vidérunt óculi mei * salutáre tuum.

Et repetitur ant.: Lumen ad revelatiónem géntium: et glóriam plebis tuæ Israël.

Quod parásti * ante fáciem ómnium populórum.

Et repetitur ant.: Lumen ad revelatiónem géntium: et glóriam plebis tuæ Israël.

Quæ si non sufficiant, repétantur quousque distributio finiatur; et clauditur cum

Glória Patri, et Filio, * et Spiritui Sancto.

Et repetitur ant.: Lumen ad revelationem gentium: et gloriam plebis tuæ Israël.

Sicut erat in principio, et nunc, et semper, * et in sæcula sæculorum. Amen.

Et repetitur ant.: Lumen ad revelationem gentium: et gloriam plebis tuæ Israël.

His expletis, sacerdos dicit:

℣. Dóminus vobiscum.

℞. Et cum spíritu tuo.

Orémus.

Oratio

2102 **E**xáudi, quæsumus, Dómine, plebem tuam: et, quæ extrínsecus ánnua tñibus devotiõne venerári, intérius ásequi grátia tuæ luce concède. Per Christum Dóminum nostrum.

℞. Amen.

DE PROCESSIONE

Primo celebrans ponit incensum in thuribulo: postea diaconus, vertens se ad populum, dicit: Procedámus in pace.

2103 Et chorus respondet: In nómine Christi. Amen.

Præcedit thuriferarius cum thuribulo fumigante: deinde subdiaconus paratus, deferens crucem, medius inter duos acolythos cum candelabris accensis: sequitur clerus per ordinem, ultimo celebrans cum diacono a sinistris, omnes cum candelis accensis in manibus: et cantantur antiphonæ sequentes:

2104 Antiph. Adórna thálamum tuum, Sion, et súscipe Regem Christum: am-
pléctere Mariám, quæ est cæléstis porta: ipsa enim portat Regem glóriæ novi lúminis: subsístit Virgo, addúcens má nibus Filium ante luciferum géni-
tum: quem accípiens Simeon in ulnas suas, prædicávit pópulis, Dóminum

eum esse vitæ et mortis, et Salvatórem mundi.

Alia antiph. Luc. 2, 26, 27 et 28-29 Respónsum accépit Simeon a Spíritu Sancto, non visúrum se mortem, nisi vidéret Christum Dómini: et cum indúcerent Púerum in templum, accépit eum in ulnas suas, et benedíxit Deum, et dixit: Nunc dimíttis servum tuum, Dómine, in pace. ℣. Cum indúcerent púerum Iesum paréntes eius, ut fácerent secúndum consuetúdinem legis pro eo, ipse accépit eum in ulnas suas.

Et ingrediendo ecclesiam, cantatur:

℞. Obtulérunt pro eo Dómino par-
túrturum, aut duos pullos columbá-
rum: * Sicut scriptum est in lege Dó-
mini. ℣. Postquam impléti sunt dies purgatiónis Mariæ secúndum legem Móysi, tulérunt Iesum in Ierúsalem, ut sístent eum Dómino. Sicut scriptum est in lege Dómini. ℣. Glória Patri, et Filio, et Spíritui Sancto. Sicut scriptum est in lege Dómini.

¶ Si candelarum benedictio et processio, ob defectum ministrorum sacrorum, forma solemniori fieri nequeat, licet formam simplicem adhibere, etiam absque cantu, dummodo tres saltem ministrantes celebrant inserviant.

DE MISSA

Finita processione, celebrans et ministri accipiunt paramenta pro Missa.

In Missa, quæ benedictionem candelarum sequitur, omittuntur psalmus Iúdica me, Deus cum sua antiphona, necnon confessio cum absolutione, versibus sequentibus atque orationibus Aufer a nobis et Orámus te, Dómine. Sacerdos igitur, cum ad altare accesserit, statim illud ascendit et osculatur in medio.

Candelæ in manibus tenentur ad Evangelium et toto Canone.

Ant. ad Introitum

Ps. 47, 10-11

2107 **S**uscépmus, Deus, misericórdiam tuam in médio templi tui: secúndum nomen tuum, Deus, ita et laus tua in fines terræ: iustítia plena est dèxtera tua. Ps. ibid., 2 Magnus Dóminus, et laudábilis nimis: in civitatè Dei nostri, in monte sancto eius. *V.* Glória Patri.

Oratio

2108 **O**mnípotens sempitérne Deus, maiestátém tuam súpplices exorámus: ut, sicut unigénitus Fílius tuus hodiérna die cum nostræ carnis substántia in templo est præsentátus; ita nos fácias purificátis tibi méntibus præsentári. Per eúndem Dóminum.

Léctio Malachíæ Prophétæ.

Malach. 3, 1-4

2109 **H**æc dicit Dóminus Deus: Ecce ego mitto Angelum meum, et præparábit viam ante fáciem meam. Et statim véniet ad templum suum Dominátor, quem vos quæritis, et Angelus testaménti, quem vos vultis. Ecce venit, dicit Dóminus exercítuum: et quis póterit cogitáre diem advéntus eius, et quis stabit ad vidéndum eum? Ipse enim quasi ignis conflans, et quasi herba fullónum: et sedébit conflans et emúndans argéntum, et purgábit filios Levi et colábit eos quasi aurum et quasi argéntum: et erunt Dómino offeréntes sacrificia in iustítia. Et placébit Dómino sacrificium Iuda et Ierúsalem, sicut dies sæculi, et sicut anni antíqui: dicit Dóminus omnípotens.

2110 Graduale

Ps. 47, 10-11 et 9

Suscépmus, Deus, misericórdiam tuam in médio templi tui: secúndum

nomen tuum, Deus, ita et laus tua in fines terræ. *V.* Sicut audívimus, ita et vídimus in civitatè Dei nostri, in monte sancto eius.

Allelúia, allelúia. *V.* Senex Púerum portábat: Puer autem senem regébat. Allelúia. 2111

Post Septuagesimam, omissis Allelúia et versu sequenti, dicitur

Tractus

Luc. 2, 29-32

Nunc dimíttis servum tuum, Dómine, secúndum verbum tuum in pace. *V.* Quia vidérunt óculi mei salutáre tuum. *V.* Quod parásti ante fáciem ómnium populórum. *V.* Lumen ad revelatiónem géntium, et glóriam plebis tuæ Israël. 2112

✠ Sequéntia sancti Evangélii secúndum Lucam. Luc. 2, 22-32

In illo témpore: Postquam impléti sunt dies purgatiónis Mariæ, secúndum legem Móysi, tulérunt Iesum in Ierúsalem, ut sístèrent eum Dómino, sicut scriptum est in lege Dómini: Quia omne masculínium adapériens vulvam sanctum Dómino vocábitur. Et ut darent hóstiam secúndum quod dictum est in lege Dómini, par túrturum, aut duos pullos columbárum. Et ecce homo erat in Ierúsalem, cui nomen Símeon, et homo iste iustus et timorátus, expéctans consolatiónem Israël, et Spíritus Sanctus erat in eo. Et respónsum accéperat a Spíritu Sancto, non visúrurum se mortem, nisi prius vidéret Christum Dómini. Et venit in spíritu in templum. Et cum indúcerent púerum Iesum paréntes eius, ut fácerent secúndum consuetúdinem legis pro eo: et ipse accépit eum in ulnas suas, et benedíxit Deum, et dixit: Nunc dimíttis

servum tuum, Dómine, secúndum verbum tuum in pace: Quia vidérunt óculi mei salutáre tuum: Quod parásti ante faciém ómnium populórum: Lumen ad revelatiónem géntium, et glóriam plebis tuæ Israël. Credo.

Ant. ad Offertorium Ps. 44, 3

2114 Diffúsa est grátia in lábiis tuis: prop-
tèrea benedixit te Deus in ætérnum,
et in sæculum sæculi.

Secreta

2115 **E**xáudi, Dómine, preces nostras: et,
ut digna sint múnera, quæ óculis
tuæ maiestátis offerimus, subsidium
nobis tuæ pietátis impénde. Per Dó-
minum nostrum.

Præfatio de Nativitate.

Ant. ad Communionem Luc. 2, 26

2116 Respónsum accépit Símeon a Spíritu
Sancto, non visúrum se mortem, nisi
vidéret Christum Dómini.

Postcommunio

2117 **Q**uæsumus, Dómine Deus noster: ut
sacrosáncta mystéria, quæ pro
reparatiónis nostræ munimine contu-
lísti, intercedénte beáta María semper
VírGINE, et præsens nobis remédium
esse faciás, et futúrum. Per Dóminum.

Die 3 februaryii

S. Blasii Ep. et Mart.

Commemoratio

Missa Sacerdótes Dei, de Communi
unius Martyris II loco [5].

Oratio

C

2118 **D**eus, qui nos beáti Blásii Mártyris
tui atque Pontíficis ánnua so-
lemnitate lætíficas: concéde propítius;
ut, cuius natalícia cólimus, de eiúsdem

etiám protectiône gaudeámus. Per Dó-
minum nostrum Iesum Christum, Fí-
lium tuum: Qui tecum vivit et regnat
in unitáte.

Secreta

C

2119 **M**únera tibi, Dómine, dicáta sanc-
tífica: et, intercedénte beáto Blá-
sio Mártyre tuo atque Pontífice, per
éadem nos placátus inténde. Per Dó-
minum nostrum.

Postcommunio

C

2120 **H**æc nos commúnio, Dómine, pur-
get a crimine: et, intercedénte
beáto Blásio Mártyre tuo atque Pontí-
fice, cæléstis remédii faciát esse con-
sórtes. Per Dóminum.

Die 4 februaryii

S. Andræ Corsini Ep. et Conf.

III classis

Missa Státuit, de Communi Confessoris
Pontíficis I loco [19], præter orationem
sequentem:

Oratio

P

2121 **D**eus, qui in Ecclésia tua nova sem-
per instáuras exémpla virtútum:
da pópulo tuo beáti Andræ Confessoris
tui atque Pontíficis ita sequi vestigia; ut
assequátur et præmia. Per Dóminum.

Secreta

C

2122 **S**ancti tui, quæsumus, Dómine, nos
ubique lætíficent: ut, dum eórum
mérita recólimus, patrocínia sentiámus.
Per Dóminum.

Postcommunio

C

2123 **P**ræsta, quæsumus, omnípotens Deus:
ut, de percéptis munéribus grátias
exhibéntes, intercedénte beáto Andræ
Confessóre tuo atque Pontífice, benefi-
cia potióra sumámus. Per Dóminum.